

II - ARABAKO LURRALDE HISTORIKOAREN TOKI ADMINISTRAZIOA

IRURAIZ-GAUNAKO UDALA

Elkartek, kirol klubek edo pertsona fisikoek 2024an egiten dituzten kultura eta kirol ekimenak finantzatzeko deialdiaren oinarriak

Udalbatzak, 2024ko otsailaren 6an egindako bilkuran, elkartek, kirol klubek edo pertsona fisikoek 2024an egiten dituzten kultura eta kirol ekimenak finantzatzeko laguntzen oinarri arautzaileak onetsi zituen.

Bat etorri Dirulaguntzen azaroaren 27ko 38/2003 Lege Orokorraren 9.3 artikulua, Dirulaguntzak arautzen dituen udal ordenantzaren 4.4 artikulua eta Administrazio Prozedura Erkidaren urriaren 1eko 39/2015 Legearen 45.1 artikulua xedatutakoarekin, argitaratu egiten dira oinarri horiek, guztiek jakin ditzaten.

1. oinarria. Deialdiaren xedea

Oinarri hauetan araututako dirulaguntzen helburua da, norgehiagoka prozedura bidez, udal jardueren osagarri diren udalerriko kultura eta kirol arloko programak eta jarduerak garatzen laguntzea, 2024. urtean.

Jarduerak finantzatzeko laguntzak dirulaguntzak izango dira, eta honako hauek aplikatuko zaizkie: azaroaren 17ko Dirulaguntzen 38/2003 Lege Orokorra eta haren arautegia (887/2006 Errege Dekretua, uztailaren 21ekoa), Toki Korporazioen Zerbitzuen Arautegia, Plan Estrategikoa eta, azkenik, Dirulaguntzen Udal Ordenantza.

2. oinarria. Onuradunak

Honako hauek izan daitezke laguntza hauen onuradun:

1. Irabazteko xederik gabeko elkarteak eta kirol klubak, baldin eta Euskadiko Elkarteei buruzko ekainaren 22ko 7/2007 Legeak ezartzen duenaren arabera behar bezala erregistratuta badaude eta baldintza hauek betetzen badituzte:

a) Iruraiz-Gaunako udalerrian dauden irabazteko xederik gabeko kirol elkarteak eta klubak. Euskadiko Elkarteen ekainaren 22ko 7/2007 Lege Orokorrean xedatutakoaren arabera egiaztatuko da izen ematea.

b) Irabazteko xederik gabeko kirol elkarte eta klubak, baldin eta, egoitza Iruraiz-Gaunako udalerrian eduki ez arren, bertan badihardute eta haietako bazkide edo partaideren bat udalerrikoa bada. Euskadiko Elkarteen ekainaren 22ko 7/2007 Lege Orokorrean xedatutakoaren arabera egiaztatu beharko da izen ematea eta udalerriko nortzuk diren bazkide adierazi.

2. Iruraiz-Gaunako udalerrian errolatutako pertsona fisikoak, baldin eta egiten dituzten eta dirulaguntzaren xede diren proiektu edo jarduerak udal jarduera osatzen badute eta udalerrirako interes publiko eta sozialekotzat hartzen badira.

3. oinarria. Diruz lagundu daitezkeen programak

Dirulaguntza jaso dezakete eskaera egiten den urtean Iruraiz-Gaunako udalerrian egin diren irabazteko asmorik gabeko jarduera programatuek. Halaber, diruz lagundu daitezke zuzenean udalerrian bertan egin ez arren, 2. oinarrian adierazitako onuradunek garatzen duten programaren zati diren jarduerak, arlo hauetakoak:

1. Kultura sustapena.

– Herritarren partaidetzako kultura jarduerak, herritarren artean kultura sortu, zabaldu edo sustatzera zuzenduak.

– Prestakuntza eta sorkuntza artistikoko jarduerak: aisialdiko eta denbora libreko tailerrak.

- Kultura zabalkundeko jarduerak: hitzaldiak, monografikoak, erakusketak...
 - Bisita kulturalak.
 - 2. Kirol sustapena.
 - Kirol jardueretarako laguntzak: kirol lehiaketa, ibilaldiak, txapelketak, baita aisialdiko kirolarekin lotutako edozein jarduerara ere.
 - 3. Materialak.
 - Saritarako gaiak erostea.
 - Jarduerak egiteko erabilitako materialak (margoak, papergintza, pintzelak, kartelak).
- Honako hauek ez dira diruz lagunduko:
- Sexua dela eta zuzenean zein zeharka inor diskriminatzen duten jarduerak.
 - Otorduen, elikagaien eta edarien gastuak.
 - Herriko jaietarako laguntzen, hitzarmenen eta abarren bidez dirulaguntza jasotzen duten berariazko jarduerak.
 - Ondasun higigarriak edo higiezinak eta bulegoko material suntsikorrek erostea, diruz lagundutako jarduerara egiteko behar-beharrezkoa den materiala izan ezik, aldeztatik haren behararen balorazioa eginda.
 - Funtzionamenduak sortutako gastuak (higiezinaren alokairua, langileen nominak, erregaia...).
 - Jarduera egiteko funtsezkotzat jotzen ez diren gastuak.
 - Udalak eskaintzen dituen pareko proiektuak, udalaren esku hartzearen osagarri ez badira.

4. oinarria. Aurrekontuko zuzkidura

Dirulaguntzen zenbatekoa, 2.000,00 euro, aurrekontu partida honi egotziko zaio: kultura eta kirol jardueretarako 330.48110 partida.

Dirulaguntzak borondatezkoak izango dira eta indarreko urtean baino ez dira aplikatuko. Ezin izango da arrazoitzat eman aurrekoan jaso izana eta ezin izango da dirulaguntza handitzeko edo berrikusteko eskatu.

5. oinarria. Dirulaguntzak emateko irizpideak eta dirulaguntzen zenbatekoak

Dirulaguntzak emateko eta haien zenbatekoak zehazteko irizpide orokor hauek hartuko dira kontuan:

- a) Lehentasuna izango dute udalerrian bertan egiten diren jarduerak.
- b) Ekimenak zer-nolako ekarpena egiten dion kultura berreskuratzeari eta zabaltzeari eta euskararen normalizazioari.
- c) Zeharka berdintasunarekin eta kultura arteko elkarbizitzarekin lotutako alderdiak sartzen dituzten jarduerak.
- d) Dirulaguntzarik gabe gauzatzen zailak izango liratekeen jarduerak bultzatzea.
- e) Jardueraren interes orokorra.
- f) Aplikaziorako lurralde eremua: jardueran zenbat udalerrri sartuta dauden edo zenbat herri diren jardueraren onuradun.
- g) Iruraiz-Gaunan onuradun izango diren pertsonen eta jardueran parte hartuko duten kolektiboaren kopurua.

h) Programaren kostuaren eta erakunde eskatzaileak bere gain hartzen duen zatiaren arteko erlazioa.

i) Gizonen eta emakumeen arteko berdintasunaren alde egitea.

j) Genero ikuspegia modu positiboan garatzen eta bultzatzen duten programak.

1. Honako irizpide hauek erabiliko dira irabazteko xederik gabeko elkarte eta kirol klubentzako laguntzen zenbatekoa ezartzeko:

a. Egoitza udalerrian duten eta udalerrian bakarrik jarduten duten kirol elkarteek eta klubek egiten dituzten jardueretarako, diruz lagundu daitekeen kostuaren ehuneko 85 emango da gehienez (izan litezkeen diru sarrerak kenduta), aurkezten diren eskaeren arabera. Dirulaguntzaren zenbatekoa 500,00 euro izango da gehienez, aurkezten diren programen edo jardueren bolumena gorabehera, eta betiere udalerrriaren aurrekontu orokorrean dagoen aurrekontu partidaren esparruan.

b. Udalerritik kanpo egiten diren jarduerak, hala nola txangoek, irteerek eta abarrek, 200 euroko dirulaguntza jasoko dute gehienez. Dirulaguntza hori jasotzeko, gutxienez 250 euroko gastua justifikatu eta egiaztatu beharko da.

c. Egoitza udalerrian ez duten kirol elkarteek eta klubek egiten dituzten jardueretarako, diruz lagundu daitekeen kostuaren ehuneko 85 emango da gehienez, aurkezten diren eskaeren arabera. Dirulaguntzaren zenbatekoa 400,00 euro izango da gehienez, aurkezten diren programen edo jardueren bolumena gorabehera, eta betiere udalerrriaren aurrekontu orokorrean dagoen aurrekontu partidaren esparruan.

d. Sari gisa banatutako produktuen erosketak: kostuaren ehuneko 50 finantzatu da gehienez, eta, gehienez ere, 100,00 euro emango dira.

e. Jarduerak egiteko erabilitako materialak (margoak, papera, pintzelak, kartelak): kostuaren ehuneko 50 finantzatu da gehienez, eta, gehienez ere, 100,00 euro emango dira.

2. Iruraiz-Gaunako udalerrian erroldaturiko pertsonen, baldin eta nortasun juridikorik ez badute, irizpide berezi hauek aplikatuko zaizkie:

– 1 a), b), d) eta e) apartatuetako irizpide berak aplikatuko dira.

– Laguntza bakarra emango da, baldin eta pertsona fisikoaren talde batek baino gehiagok, bakoitzak bere aldetik, dirulaguntza eskaera bat baino gehiago egiten badute jarduera edo jarduera programa bererako.

Faktura bidez justifikatzen direnak bakarrik hartuko dira gastutzat.

Kasu guztietan, baldin eskaeren kopurua eta eskatutako dirulaguntzen zenbatekoa direla-eta dirulaguntzen gehieneko ehunekoak murriztu behar badira aurrekontuan ezarritako partidara doitzeko, murrizketa proportzioan ezarriko zaie jarduera guztiei.

6. oinarria. Eskaerak eta aurkeztu beharreko agiriak

Eskatzaileek agiri hauek aurkeztu beharko dituzte:

a) Eskaera bat (eredu ofizialaren arabera) programa edo jarduera bakoitzeko, elkartearen lehendakariak edo eskaeraren edo jardueraren arduradunak sinatuta.

b) Eskatutako laguntzen zerrendaren ziurtagiria, elkarteko idazkariak edo eskaeraren edo jardueraren arduradunak egina. Beste organismo edo erakunde batzuei dirulaguntzaren bat eskatzen bazaie programa bererako, horien zerrenda aurkeztu behar da (I. eranskina).

c) Zerga zorrik ez duela eta Gizarte Segurantzaren ordainketetan egunean dagoela adierazten duen ziurtagiria (I. eranskina).

d) Egoitza udalerrian ez duten elkarte edo klubak kasuan, Iruraiz-Gaunako udalerrian erroldatutako bazkideen justifikazioa aurkeztu beharko da.

e) Jardueren edo programaren proiektua (eskaeraren eranskinaren arabera); datu hauek zehaztu behar dira:

- Lortu nahi diren helburuak.
- Egingo diren jardueren deskribapena.
- Jarduerak non eta noiz egingo diren.
- Jarduera norentzat den eta onuradun kopurua.
- Dirulaguntzaren bidez egingo diren jardueren diru sarreraren eta gastuen aurrekontu xehatua.
- Jarduera zein hizkuntzatan egingo den.

f) Estatutuen fotokopia, eta elkartearen legearen erakundearen erregistroan izena emanda dagoela frogatzen duten agiriak (soilik dirulaguntzak lehen aldiz eskatzen dituzten elkarteek edo estatutuak aldatu dituztenek).

Eskaerak eskakizun guztiak betetzen ez baditu, interesdunari eskatuko zaio hamar egun balio-duneko epean zuzentzeko, bat etorri Administrazio Publikoaren Administrazio Prozedura 39/2015 Legearen 68.1 artikuluan xedatutakoarekin.

7. oinarria. Dokumentuak aurkeztea

Dokumentazioa Iruraiz-Gaunako dokumentuen sarrera erregistro orokorrean aurkeztu beharko da, edo Administrazio Publikoaren Administrazio Prozedura Erkideari buruzko 39/2015 Legearen 16. artikuluan adierazten diren edozein bide erabilita.

Eskaerak eta seigarren oinarrian zehazten diren agiriak 2024ko apirilaren 26rako aurkeztu behar dira.

Epe kanpo aurkeztutako eskaerak ez dira kontuan hartuko.

8. oinarria. Dirulaguntzen bateragarritasuna

Udalaren laguntzak bateragarriak dira eskatzaileek eskuratzen dituzten beste batzuekin. Dena dela, Udalaren dirulaguntzaren zenbatekoa, beste laguntza batzuekin batera zein bakarrik, ezin da izan talde onuradunak egin nahi duen jardueraren kostua baino handiagoa.

Onartutako dirulaguntza berriro aztertu ahal izango da, gastuaren finantzaketa zein den eta laguntzen edo beste diru sarrera batzuen ekarpen osagarriak zenbatekoak diren jakin ondoren. Horrelakoetan hau izango da dirulaguntzaren behin betiko zenbatekoa: diru sarreraren eta gastuen arteko azken likidazioaren ondoriozko defizita.

9. oinarria. Eskaerak aztertu eta ebaztea

Eskaerak aurkezteko epea amaitu eta gero aztertuko dira dirulaguntzak eta, hala badagokio, onartuko edo ukatuko.

Udalak, egoki deritzen kasuetan, aukeran izango du aurkeztutako agiriari buruzko datuak eta azalpenak eskatzea. Espedientea atzeratu, eta are artxibatu ere egin daiteke, datu edo azalpen horiek ez badira ematen Administrazio Publikoaren Administrazio Prozedura Erkidearen Legearen ezarritzen dituen epeetan.

Eskaera bakoitzaren inguruko izapide guztiak egin ondoren, teknikariak txostena egin eta alkate-lehendakariari bidaliko dio, ebazpena eman dezan. Alkate-lehendakariak dirulaguntza eman ala ukatu ebaztuko du dagokion erabakiaren bidez, eta horren berri emango die eskatzaileei, idatzizko jakinarazpen bidez.

Eskaerak gehienez ere hiru hilabeteko epean ebatziko dira. Epe hori amaitu eta esanbidezko ebazpenik eman ez bada, eskaera ezetsi egin dela esan nahiko du. Ebazpenak administrazio bi-dea agortuko du eta ebazpenean bertan adieraziko da zer errekurtso jar daitezkeen haren aurka. Ebazpena Administrazio Publikoen Administrazio Prozedura Erkidearen urriaren 1eko 39/2015 Legeak 42. eta 43. artikuluetan ezarritakoaren arabera jakinaraziko da.

10. oinarria. Betebeharrak

- a) Diruz lagundutako jarduerak ematen diren urteko abenduaren 31 baino lehen egin beharko dira.
- b) Onuradunek, gastuak frogatzeaz gainera, jardueraren memoria xehatua eta gastuen eta diru sarreraren balantze ekonomikoa aurkeztu beharko dituzte.
- c) Ezin izango da emandako dirulaguntzaren xedea aldatu, udalak baimena eman ezean.
- d) Udalari xede berbererako eman eta ordaindu diren laguntzen berri eman behar zaio, kasuan kasuko laguntza itzul dadin.
- e) Jardueraren publizitatean hauxe agertu behar da idatzita: "Iruraiz-Gaunako Udalaren laguntzarekin / Con la colaboración del Ayuntamiento de Iruraiz-Gauna".
- f) Agiri guztietan, publizitatean, irudietan edo materialean komunikazio ez-sexista erabili behar da, emakumeak diskriminatzen dituen edozein irudi edo estereotipo sexista saihestu, eta berdintasun balioak sustatu.
- g) Onuradunek publizitatea eta komunikazioak Euskal Autonomia Erkidegoko bi hizkuntza ofizialetan egin behar dituzte.
- h) Iruraiz-Gaunako Udalak Herri Kontuen Euskal Epaitegiak edo beste erakunde eskudunen batek eskatutako argibide oro eman behar du onuradunak.
- i) Dirulaguntzen azaroaren 17ko 38/2003 Lege Orokorrak eta dirulaguntzen udal ordenantzak ezarritako betebeharrak.

Dirulaguntzaren eskaera aurkezte hutsak berekin dakar oinarri hauek ezagutzea eta onartzea.

11. oinarria. Hizkuntza irizpideak

Iruraiz-Gaunako Udalaren "Euskararen erabilera plana" hizkuntzaren normalizazioan aurrera egiteko plan estrategikoa da. Oinarrizko tresna da, udalerriko lehentasunak eta beharrak kontuan hartuta garatu beharreko helburuak eta estrategiak zehazteko. Laburbilduz, euskararen erabilera normalizatzeko euskararen aldeko ekintzak egokitu eta proposatzea du xede.

Planean jasotako helburuak kontuan hartuta, hizkuntza irizpide hauek bete behar dira:

1. Jardueren zabalkundea (kartelak, liburuxkak, gutunak...) euskaraz eta gaztelaniaz egin behar da.
2. Euskara eta gaztelania erabili behar da egiten diren ekimen eta jardueretan: aurkezpenak, megafonia, ekitaldiak...
3. Haur eta gazteentzako jardueretan, kontuan hartuta Iruraiz-Gaunako haur eta gazteen artean D dela hezkuntza eredu nagusia, lehentasuna emango zaio jarduera euskaraz egiteari, euskaraz ez dakiten haur eta gazteak baztertu gabe, eta, beharrezkoa den kasuetan, haien komunikazio premiei konponbidea emanez, gaztelaniaz jardunez.
4. Dirulaguntza eskatzean, udalari jakinarazi behar zaio zer jarduera antolatu nahi den eta zer hizkuntzatan izango den. Dirulaguntza justifikatzean, antolatutako jarduerak zein diren eta zein hizkuntzatan egin diren adierazi behar da.
5. Dirulaguntza jasotzen duen organoak konpromisoa hartuko du udalak hizkuntza normalizatorako abian jartzen dituen ekimenetan aktiboki parte hartzeko.
6. Euskara sustatzeko ardura duen dinamizatzaileak egingo du helburu horien jarraipena.

12. oinarria. Berdintasun irizpideak

Arabako Lautadako emakumeen eta gizonen berdintasunerako planaren helburu nagusia da emakumeen ahalduz indibiduala eta kolektiboa sustatzea, baliabideak eta zaintzak pertsonen artean modu ekitatiboan banatzea, eta indarkeria matxistatik gabeko bizitzak lortzea. Plan hori oinarritzko tresna da, udalerraren ezaugarri bereziak kontuan hartuta.

Planean adierazitako helburuak lortzen direla egiaztatzeko, genero ikuspegia kontuan hartu behar da aurkezten diren programa eta jarduerak egitearen ondorioz sortzen diren agiri guztietan. Horiek horrela, emakumeen eta gizonen berdintasuna sustatzeko, irizpide hauek bete behar dira:

- Hartzaileen edo parte hartzaileen datuak sexuka (emakume/gizon) berezita aurkeztu behar dira edo, erakundeek beraiek bildu badituzte datuak, genero nortasunaren arabera (emakume, gizon, beste batzuk), bai aurkeztutako proiektuan, bai haren justifikazioan.
- Saihestu egin behar da emakumeentzako zernahi eragin kaltegarri, eta, hala behar izango balitz, aurreikusi egin behar dira eragin hori ezerezteko neurriak.
- Proiektuan edo haren harira gauzatzen diren jarduera guztietan emakumeen eta gizonen parte hartze orekatua sustatu behar da.
- Elkarrean jardueretan indarkeria matxista eta mikromatxismoak prebenitu behar dira.
- Dirulaguntza jasotzen duen organoak dirulaguntzan inplikaturako langileen berdintasunari buruzko prestakuntza sustatu behar du, udalak edo kuadrillak urtean zehar antolatzen dituen edo beste erakunde batzuek ofizialki eskaintzen dituzten ikastaroen edota tailerren bitartez.
- Paritarioak ez diren zuzendaritza batzordeak aldatu behar dira.

13. oinarria. Gastuak justifikatzea, dirulaguntza ordaintzea eta dirua itzultzeko prozedura

Jarduera amaitu ondoren, dirulaguntza jasotzen duen programa edo jarduera justifikatu behar da. Horretarako epe 2025eko urtarrilaren 8an amaituko da. Epe hori igaro eta agiri horiek aurkeztu ez badira, ordainketa kredituak baliogabetu egingo dira.

Jarduera justifikatzeko, agiri hauek aurkeztu behar dira:

- a) Justifikazio orria, eredu ofizialaren arabera, programa edo jarduera bakoitzeko, elkarrearen lehendakariak edo eskaeraren edo jardueraren arduradunak sinatuta. Eskaera orrien eredu udal bulegoetan eskatu ahal izango da.
- b) Memoria bat, honako hauek adierazita: egindako jarduerak, lortutako helburuak edo lortutako emaitzak, erabilitako baliabideak, jarduerak noiz egin diren eta erabilitako hizkuntzak. Memoriak jardueraren genero inpaktua ere aipatu behar du, datuak sexuaren arabera banakaturik, halakorik jaso bada.
- c) Egindako gastuari dagozkion fakturak. Fakturak betekizun hauek bete behar dituzte:
 - Fakturen datak diruz lagundutako aldikoak izan behar dira.
 - Faktura egilearen eta hartzailearen izena edo sozietatearen izena eta NANA edo IFZ agertu behar da.
 - Fakturaren kontzeptua agertu behar da.
 - Prezioa (BEZa barne dagoen ala ez zehaztuta) eta PFEZaren atxikipena agertu behar dira, hala badagokio.
- d) Emandako fakturak ordaindu izanaren frogagiriak.

e) Elkartearen lehendakariaren edo pertsona fisikoaren ziurtagiria, bestelako dirulaguntzarik ez dutela jaso adierazten duena. Beste dirulaguntzaren bat jasoz gero, dirulaguntza mota eta zenbatekoa zehaztu behar dira. (Justifikazio orrian jasotako eredu ofiziala erabili behar da).

f) Egoitza udalerrian ez duten elkarte edo klubaren kasuan, Iruraiz-Gaunako udalerrian errol-datutako bazkideen justifikazioa aurkeztu behar da. Halaber, partaideen datuak jakinarazi behar dira, Iruraiz-Gaunakoak direla egiaztatzeko.

g) Antolatutako jarduerari buruzko informazioa jasotzen duen kartela edo dokumentua.

h) Egokitzat jotzen den dokumentazio oro.

Laguntzak edo dirulaguntzak ordainduko dira frogagiriak aurkeztu eta dirulaguntza emateko guztizko zenbatekoa baloratu ondoren.

Frogagiriak ez badatoz bat deialdi honetako irizpideekin, irizpideen arabera justifikatutako kopurua besterik ez da ordainduko; gainera, gerta liteke dirulaguntza baliogabetzea ere.

Oinarri hauetan jasotako betebeharrak eta zehaztapenak betetzen ez badira, dirulaguntza baliogabetu ahal izango da.

Iruraiz-Gaunako Udalak datuak benetakoak diren eska eta azter dezake, bai eta oinarri hauetan arautzen dena betetzen den ere. Horretarako, onuradunek hitzemango dute egingo dituzten programa eta jardueren inguruan eskatzen zaizkien datuak eta agiriak emango dituztela, bai eta Herri Kontuen Euskal Epaitegiak eskatzen dituenak ere.

14. oinarria. Dirulaguntza galtzea

Oinarri hauetan jasotako betebeharrak eta zehaztapenak betetzen ez badira, emandako dirulaguntzaren zati bat edo guztia galdu ahal izango da.

15. oinarria. Interpretazioa

Oinarri hauek interpretatzean zalantzaren bat sortzen bada, Iruraiz-Gaunako Udalak ebatziko du.

Hauek dira aplikatu beharreko oinarrizko arauak: dirulaguntzen udal ordenantza, Dirulaguntzen azaroaren 17ko 38/2003 Lege Orokorra eta uztailaren 21eko 887/2006 Errege Dekretua, zeinak onesten baitu Dirulaguntzen azaroaren 17ko 38/2003 Lege Orokorraren arautegia.

16. oinarria. Errekurtsoak

Deialdi honen aurka administrazioarekiko auzi errekurtsua aurkeztu ahal izango da zuzenean Gasteizko administrazioarekiko auzietarako epaitegietan, bi hilabeteko epean, ALHAOn argitaratu eta hurrengo egunetik aurrera, edo, nahi izanez gero, berraztertzeko errekurtsua, deialdi hau onetsi duen organoari berari, hilabeteko epean, ALHAOn argitaratu eta hurrengo egunetik aurrera. Azken horren esanbidezko nahiz ustezko ebazpenaren aurka, berriz, administrazioarekiko auzi errekurtsua aurkeztu ahal izango da, Gasteizko administrazioarekiko auzietarako epaitegietan, bi hilabeteko epean, errekurtsua ezesten duen ebazpena jakinarazten den egunaren hurrengotik aurrera, edo, ebazpena ustezkoa bada, sei hilabeteko epean, ustezko ebazpen hori gertatzen den egunaren hurrengotik aurrera.

17. oinarria. Azken klausula

Oinarri hauetan aurreikusi ez den orotan, honako hauek aplikatuko dira: Dirulaguntzei buruzko 38/2003 Legea eta hura garatzen duen erregelamendua, 887/2006 Errege Dekretuaren bidez onetsia; Iruraiz-Gaunako Udalaren dirulaguntzak, eta laguntzak arautzen dituen ordenantza eta gainerako araudi aplikagarria.

Guztiek jakin dezaten eta dagozkion ondorioak izan ditzan argitaratzen da.

Azilu, 2024ko otsailaren 6a

Alkatea

IRATXE DEL BARCO MURUA